

地靈人異匪曰去極故有異氣
士庶號于八廷紳耆之流皆於
億萬則有十崇抗走尉之人士
先大康之譽李雅美盧表之節
我肩騎牛老風雲之劫所不

玉峯詩纂序

崑山吳中望邑也垂漢以會稽疏
隸逮晉由信義分符覽子野則西
峰應其文睇陽疇則東湖占其勝
地靈人異匪曰無徵故有鳳翔之
士熙號于八埏鴻翥之流寓聲于
億禩則有卞崇抗廷尉之規士衡
先太康之譽季雅暴盧龍之節德
義扇騎牛之風離是而降代不乏



焉蓋懋周典刑宗魯文獻者也于
是采俗者隲之流編韻古者搜諸
遐牒粵稽故志旁及稗錄典實攸
存用斯大矣若夫言由物感神自
理宣片撰屬經四聲諧節或正則
以竄真或婉抑以抽悖或沉幽以
寄象或昭亮以叙倫或緜緜以嘯
儔或縱橫以譖事以執家之鼎呂
而賢士之槩籬也然而積玉璫玳

雕虧哲匠鳩材磔萃飭謝鴻工派
散一方真核者鮮鉤探漁獵烏可
缺如今太僕周公緯情玄暘挺格
純清少發董生之竒晚屏張衡之
俗周撫遺言慨歎不已爰循駒畧
獨秉鷄林肇自平原迄于近代苞
蓄有年彙成六卷至于四方賢士
紀勝之詠亦并載焉題之曰玉峰
詩纂而間以示文柱俾為之叙夫

言之傳也。有三述天人之化立性
命之奧鏡理者以奠民維則資焉
綜治亂之經品彛則之紀垂教者
以植古道則資焉綴名物之數協
性靈之華摘詞者以耀來嗣則資
焉今覽編中瑀章蕤藻體各殊科
而卒澤于道醇如也譬則陳玄黃
之綺而視者炫其輝翕金玉之音
而聽者和其奏燔椒蘭之臭而挹

者襲其芬颯颯乎彬彬乎所謂奠
民維植在道耀來嗣者此蓋其一
斑矣或疑崑山一邑未該作者嗟
乎風遠教湮斯道不講攀先民之
秀武翊後進之類塵公則有焉惠
止崑山厥意溥矣昔王克之論酷
私于中郎文忠之史推前于師錫
矧文柱方切高山之仰叨忘年之
知者哉敬以不文書之為序

玉峰詩纂序
隆慶壬申夏五朔旦

吳郡張文柱撰

玉峰詩纂姓氏目錄

第一卷

晉

陸機

二十

陸雲

四

梁

江淹

一

唐

錢起

一

薛據

一

崔融

一

孟郊

一

張祐

一

宋

張方平

三

李衡

五

范成大

八

王安石 二 龔宗元 二 龔况 一

楊則之一 龔明之一 樓鑰 二

衛涇 一 孫覲 一 沈東 一

胡嶧 一 胡清 一 蓋嶼 一

冲邈 八

元

虞集 四

皇明

龔詡 三 王禕 一 陳基 二

高啓 九 姚申之二 徐賁 三

張雨 一 倪瓚 四 鄭元祐 二

盧熊 七

已上共三十五人詩凡一百三十三

首

第二卷

皇明

殷奎 七 楊基 十七 袁華 十一

郭翼 四 秦約 三 余燠 三

易恒 二 郭章 一 盧昭 一

顧祿 一 朱吉 一 昂吉 一

王蒙 一 陳則 十四 王履 四

顧達 一 盧儒 一 顧瑛 四

呂誠 十八 盛或 二 楊維禎 一

偶栢 一 釋來復 一 黃公望 一

陳潛夫 一 孟忠 一 曹睿 一

陸麟 一

已上共二十八人詩凡一百二十三

首

第三卷

皇明

郊韶 一 良琦 四 沈以潛 一

張節 一 朱夏 一 夏元吉 一

沈愚 九 葉盛 一 盧瑛 一

張和 九 鄭文康 六 陸鈇 十八

張泰 四 陸容 二 吳寬 一

秦瓛 一 吳瑞 一 虞臣 三

張安甫 一 毛澄 二 朱希周 一

黃雲 十四 顧恂 八 周元學 五

已上共二十四人詩凡九十六首

第四卷

皇明

顧潛 二 沈本初 十 文徵明 四

沈周 一 周倫 十二 顧鼎臣 三

魏校 二 周廣 九 張寬 八

方鵬 十二 方鳳 一 柴奇 二十
俞璋 一 周鳳鳴 一 徐明 一
已上共十五人詩凡一百十一首

第五卷

皇明

顧聞 一 楊慎 十六 王揖 八
陸鰲 四 張羽 四 張寰 一
王同祖 十八 周詩 七 屈儒 四
王世芳 三 沈世麟 五
已上共十一人詩凡一百三十五首

第六卷

皇明

鄔景和二 顧夢圭 十三 陸冕 十三
張士瀾 十七 周後叔 六 陸郊 二十
李攀龍 一 任環 四 歸有光 七
沈仲胤 五 吳中英 十七 周夢山 九
已上共十二人詩凡一百五十五首

玉峰詩纂姓氏目錄終

王峰詩集卷一



南京太僕寺卿周復俊編光祿寺署正孟紹曾校刊

晉

陸機 機字士衡吳大司馬抗之子以祖

父為將相有大勲于江表深慨孫皓舉而

棄之作辯亡論太康末同弟雲入洛張華

曰平吳之役利獲二雋機嘗以誑誤繫廷

尉感成都王穎全濟之恩策穎必能康隆

晉室遂委身焉穎以機叅大將軍事表為

平原內史太安初穎起兵討長沙王乂假

機後將軍河北大都督統兵二十餘萬與

又戰於鹿苑為人所敗時宦人孟玖弟超
没于軍玖疑機穢之故譖機于頴遂遇害
天下咸惜而悲之機天才秀逸詞藻宏麗
張華嘗謂之曰人患才少子患其多葛洪
稱其文猶玄圃積玉無非夜光五河吐流
泉源如一亦一代之絕乎史臣云機遠超
枚馬高躡王劉百代文宗一人而已

贈從兄車騎一首

孤獸思故菽離鳥悲舊林翩翩遊宦子辛苦誰
為心彷彿谷水陽婉孌崑山陰崑山在華亭境
晉時尚屬婁縣
也營魄懷茲土精爽若飛沉寤寐靡安豫願言

思所欽感彼歸途難使我怨慕深安得忘歸少
言樹背與衿斯言豈虛作思鳥有悲音

擬行行重行行

悠悠行邁遠戚戚憂思深此思亦何思思君徽
與音音徽日夜離緬邈若飛沉王鮪懷河岫晨
風思北林遊子眇天末還期不可尋驚飈褰反
信歸雲難寄音佇立想萬里沈憂萃我心攬衣
有餘帶循形不盈衿去去遺情累安處撫清琴

擬東城一何高

西山何其峻層曲鬱崔嵬零露弥天墜蕙葉憑
林衰寒暑相因襲時逝忽如頽三閭結飛轡大

五言詩集卷一
老嗟落暉曷為牽世務中心若有違京洛多妖
麗玉顏侔瓊琤閑夜撫鳴琴惠音清且悲長歌
赴促節哀響逐高徽一唱萬夫嘆再唱梁塵飛
思為河曲鳥雙游豐水湄

擬青青河畔草

靡靡江離草熠燿生河側皎皎彼姝女阿耶當
軒織粲粲妖容姿灼灼美顏色良人遊不歸偏
栖獨隻翼空房來悲風中夜起嘆息

園葵詩一首

種葵北園中葵生鬱萋萋朝榮東北傾夕頽西
南晞零露垂鮮澤朗月耀其暉時逝柔風戢歲
暮商焱飛曾雲無溫液嚴霜有凝威幸蒙高墉
德玄景蔭素蕤豐條並春盛落葉後秋衰慶彼
晚彫福忘此孤生悲

擬今日良宴會

閑夜命懽友置酒迎風館齊僮梁甫吟秦娥張
女彈哀音繞棟宇遺響入雲漢四坐咸同志羽
觴不可筭高譚一何綺蔚若朝霞爛人生能幾
何為樂常苦晏譬彼伺晨鳥揚聲當及旦曷為
恒憂苦守此貧與賤

擬明月何皎皎

安寢北堂上明月入我牖照之有餘暉攬之不

盈手涼風吹曲房寒蟬鳴高柳踟躕感節物我行永已久遊宦會無成離思難常守

擬西北有高樓

高樓一何峻岩岩峻而安綺窓出塵冥飛陛躡雲端佳人撫琴瑟纖手清且閑芳氣隨風結哀響馥若蘭玉容誰得顧傾城在一彈佇立望日昃躑躅再三嘆不怨佇立久但願歌者懽思駕歸鴻羽比翼雙飛翰

赴洛道中作二首

摠轡登長路嗚咽辭密親借問子何之世網嬰我身永歎遵北渚遺思結南津行行遂已遠野

途曠無人山澤紛紆餘林薄杳阡眠虎嘯深谷底鷄鳴高樹巔哀風中夜流孤獸更我前悲情觸物感沈思鬱纏綿佇立望故鄉顧影悽_{自憐}

遠遊越山川山川脩且廣振策陟崇丘安轡遵平莽夕息抱影寐朝徂銜思往頓轡倚嵩巘側聽悲風響清露墜素輝明月一何朗撫几不能寐振衣獨長想

贈弟士龍一首

行矣怨路長怒馬傷別促指途悲有餘臨觴懽不足我若西流水子如東峙嶽慷慨逝言感徘徊居情育安得携手俱契濶成腓服

猛虎行

渴不飲盜泉水熱不息惡木陰惡木豈無枝志
士多苦心整駕肅時命杖策將遠尋饑食猛虎
窟寒棲野雀林日歸功未建時往歲載陰崇雲
臨岸駭鳴條隨風吟靜言幽谷底長嘯高山岑
急懦絃無響亮節難為音人生誠未易曷云開
此衿眷我耿介懷俯仰愧古今

豫章行

汎舟清川渚遙望高山陰川陸殊途軌懿親將
遠尋三荆懽同株四鳥悲異林樂會良自古悼
別豈獨今寄世將幾何日吳無停陰前路旣已
多後塗隨年侵促促薄暮景疊疊鮮克禁曷為
復以茲曾是懷苦心遠節嬰物淺近情能不深
行矣保嘉福景絕繼以音

燕歌行

四時代序逝不追寒風習習落葉飛蟋蟀在堂
露盈墀念君客遊苦怕悲君何緬然久不歸賤
妾悠悠心無違白日旣沒明燈輝夜禽赴林匹
鳴栖雙鳩閔閔宿河湄憂來感物涕不晞非君
之念思為誰離別何早會何遲

健仔怨

健仔去辭寵淹留終不見寄情在玉階託意唯

王荅詩集卷一
團扇春苔暗階除秋少蕪高殿昏黃履綦絕愁
來空雨面

塘上行

江籬生幽渚微芳不足宣被蒙風雲會移居華
池邊發藻玉臺下垂影滄浪泉露潤旣已渥結
根與且堅四節逝不處繁華難久鮮淑氣與時
隕餘芳隨風捐天道有遷易人理無常全男懽
智傾愚女愛衰避妍不惜微軀退但懼蒼蠅前
願君廣末光照妾薄暮年

悲哉行

遊客芳春林春芳傷客心和風飛清響鮮雲垂
薄陰蕙少饒淑氣時鳥多好音翩翩鳴鳩羽啾
啾倉庚吟幽蘭盈通谷長秀被高岑女蘿亦有
託蔓葛亦有尋傷哉客遊士憂思一何深目感
隨氣少耳悲詠時禽寤寐多遠念緬然若飛沉
願託歸風響寄言遺所欽

日出東南隅行

或曰羅敷艷歌

扶桑升朝暉照此高臺端高臺多妖麗濬房出
清顏淑貌耀皎日惠心清且閑美目揚玉澤蛾
眉象翠翰鮮膚一何潤秀色若可餐窈窕多容
儀婉媚巧笑言暮春春服成粲粲綺與紈金雀
垂藻翹瓊珮結瑤璠方駕揚清塵濯足洛水瀾

王華詩集卷一
九
藹藹風雲會佳人一何繁南岷克羅幕北渚盈
軒軒清川含藻景高岼被華丹馥馥芳袖揮泠
泠纖指彈悲歌吐清響雅舞播幽蘭丹唇含九
秋妍迹陵七盤赴曲迅驚鴻蹈節如集鸞綺態
隨顏變沈姿無定源俯仰紛阿那顧步咸可懽
遺芳結飛飈浮景映清湍冶容不足詠春游良
可嘆

前緩聲歌

游仙聚靈族高會層城阿長風萬里舉慶雲鬱
嵯峨宓妃興洛浦王韓起太華北徵瑤臺女南
要湘川娥肅肅宵駕動翩翩翠蓋羅羽旗栖瓊
鸞玉衡吐鳴和太容揮高絃洪崖發清歌獻酬
既已周輕舉乘紫霞摠轡扶桑枝濯足湯谷波
清輝溢天門垂慶會皇家

飲酒樂

蒲萄四時芳醇瑠璃千鍾舊賓夜飲舞遲銷燭
朝醒弦促催人

飲馬長城窟行

驅馬陟陰山山高馬不前往問陰山侯勁虜在
燕然戎車無停軌旌旆屢徂遷仰憑積雪巖俯
涉堅冰川冬來秋未返去家邈以縣獵狁亮未
夷征人豈徒旋末德爭先鳴凶噐無兩全師克

薄賞行軍沒微軀捐將遵井陳迹收功單于旃
振旅勞歸士受爵藁街傳

君子有所思行

命駕登北山延佇望城郭廛里一何盛街巷紛
漠漠甲第崇高闥洞房結阿閣曲池何湛湛清
川帶華薄邃宇列綺窓蘭室接羅幕淑貌色斯
升哀音承顏作人生誠年邁容華隨年落善哉
膏粱士營生與且博宴安消靈根酖毒不可恪
無以肉食資取笑葵與藿

吳趨行

楚妃且勿歎齊娥且莫謳叶四坐並清聽聽我

歌吳趨吳趨自有始請從昌門起昌門何峩峩
飛閣跨通波重乘承游極回軒啓曲阿藹藹慶
雲被泠泠祥風過山澤多歲育土風清且嘉泰
伯導仁風仲雍揚其波穆穆延陵子灼灼光諸
華王迹隕陽九帝功興四遐大皇自富春矯手
頓世羅邦彥應運興粲若春林葩屬城咸有士
吳邑最為多八族未足侈四姓實名家文德熙
淳懿武功侔山河禮讓何濟濟流化自滂沱淑
美難窮紀商榷為此歌

招隱詩一首

明發心不夷振衣聊躑躅躑躅欲安之幽人在

浚谷朝採南澗藻夕息西山足輕條象雲構密
葉成翠幄激楚佇蘭林回芳薄秀木山溜何泠
泠飛泉漱鳴玉哀音附靈波頽響赴曾曲至樂
非有假安事澆醇樸富貴苟難圖稅駕從所欲
於承明作與士龍一首

牽世嬰時網駕言遠徂征飲餞豈異族親戚弟
與兄婉娈居人思紆鬱遊子情明發遺安寐寤
言涕交纓分塗長林側揮袂萬始亭佇眇要遐
景傾耳玩餘聲南歸憇永安北邁頓承明永安
有昨軌承明子棄予俯仰悲林薄慷慨含辛楚
懷往懽絕端悼來憂成緒感別慘舒翮思歸樂

遵渚

答張士然一首

絜身躋祕閣祕閣峻且玄終朝理文案薄暮不
遑暝駕言循明祀致敬在祈年逍遙春玉圃躑
躅千畝田回渠繞曲陌通波扶直阡嘉穀垂重
穎芳樹發華顛余固水鄉士摠轡臨清淵戚戚
多遠念行行遂成篇

陸雲 雲字士龍六歲能屬文性清正有
才理少與兄機齊名號二陸吳平入洛為
太子舍人出補浚儀令政有異績時稱神
明機之劔也并收雲江統蔡克等上疏救

五卷詩集卷一
之穎惻然有宥雲色孟玖扶穎入趣令殺
雲所著文章三百四十九篇又新書十篇
並行於世

為顧彥先贈婦二首

悠悠君行邁
煒煒妾獨止
山河安可踰
永路隔
萬里京室多
妖冶粲粲都
人子雅步擢
纖腰巧
笑發皓齒佳
麗良可美
哀賦焉足紀
遠蒙眷顧
言銜恩非望始

浮海難為水
遊林難為觀
容色貴及時
朝華忌
日晏皎皎彼
姝子灼灼懷
春粲西城善
雅舞摠
章饒清彈鳴
簧發丹脣朱
絃繞素腕輕
裾猶電
揮雙袂如霧
散華容溢藻
幄哀音入雲
漢知音
世所希非君
誰能讚棄置
北辰星問此
玄龍煥
時暮復何言
華落理必賤

荅兄平原一首

悠悠途可極
別促怨會長
銜思戀行邁
興言在
臨觴南津有
絕濟北渚無
河梁神往同
逝感形
留悲參商衡
軌若殊迹牽
牛非服箱

荅張士然

行邁越長川
飄飄冒風塵
通波激枉渚
悲風薄
丘榛佚路無
窮迹井邑自
相循百城各
異俗千
室非良鄰
懽舊難假合
風土豈虛親
感念桑梓

域彷彿眼中人靡靡日夜遠眷眷懷苦辛
梁

江淹 淹字文通考城人少沉敏厲志萬
學梁天監中為金紫光祿大夫卒贈醴泉
侯謚憲子

詠陸平原羈宦

儲后降嘉命恩紀被微身明發著桑梓永嘆懷
密親流念懷南澁銜怨別西津馳馬遵淮泗旦
夕見梁陳服義追上列矯迹厠宮臣朱紱感髦
士長纓皆俊人契濶承華內綢繆踰歲年日暮
聊揔駕逍遙觀洛川徂沒多拱木宿少凌寒烟
遊子易感慨躑躅還自憐願言寄三鳥離思非
徒然

唐

錢起 起字仲文長興人能詩與郎士元
齊名大曆十才子起其一也為祕書郎翰
林學士

送崑山孫少府

狗祿近滄海乘流看碧霄誰知仙吏去宛與世
塵遙遠帆背去鳥孤舟低上潮懸知訟庭靜窓
竹日蕭蕭

薛據 河中寶鼎人與王摩詰杜子美最

善子美有喜薛三據之詩仕終禮部侍郎
山在縣南三十里輿地志云秦始皇嘗登
因名一名秦柱又會稽有秦望山今郡志
載據登是山有是作也

登秦望山

南登秦望山目極大海空朝陽半蕩浴晃天
水紅溪壑爭噴薄江湖遞交通而多漁商客不
悟歲月窮振緡迎早潮弭棹候遠風余本萍汎
者乘流任西東茫茫天際帆棲泊何時同將尋
會稽跡從此訪任公

崔融

融字成安蘇州人擢八科高第工

詩為文華婉朝廷大制作多手敕委之軋
寧初遊慧聚作此詩

題慧聚寺張僧繇畫龍

人莫嫌山小僧還愛寺靈殿高神氣力龍活客
丹青

孟郊

郊字東野武康人為詩好奇怪元

和中進士稍遷試大理評事父庭玢為崐
山尉郊侍於此作

上方

昨日到上方片霞封石牀錫杖莓苔青袈裟松
柏香晴磬無短韻晝燈含永光有時乞鶴還來

訪道遙場

張祐 祐字承吉南陽人寓吳有詩名宰相令狐楚表祐詩三百篇以獻而為元稹所抑李紳杜牧特禮敬焉後知南海載羅浮石筍而還

慧聚寺

寶殿依山險凌虛執欲吞盡檐齊木末香砌壓雲根遠景窓中岫孤烟竹裏村憑高聊一望歸思隔吳門

宋

張方平 方平字安道揚州人景祐中為

崑山令時吳越歸國未久豪右占民田積訟不決公一召問悉輸其情遂收餘田以賦貧民民大服在縣著芻蕘論二十篇郡守蔣堂上之因舉賢良累官參知政事太子太保謚文定

慧聚寺東亭

夜色秋光共泐寥水村籬落晚烟交拄笏回就下山路行看斜陽倚樹梢

崑山初秋觀稼回縣署與同寮及示姑蘇幕府

邑民三萬家四邊湖水繞家家勤穡事市井商

游少存歲逢水沴饑勞何擾擾我來忝撫字見
此心如擣去秋僅有年高田尚停潦今幸風雨
調皆話天時好春喜鵲巢低夏更蟬聲早秧船
拏參差葑岫縈迴繚蕪挿暮更急車聲轉清曉
紡筥猶掛壁何暇張魚鳥我時行近郊小艇穿
萍藻渚長葭亂深野沃穉穉倒稚子遠餉婦閑
暇顏色飽預喜省敲筥租賦可時了歸來軒館
靜曠蕩盈懷抱衙退人吏散庭廡闕窈窕露篠
映孤亭風荷動幽沼置身木雁闌茲焉願終老
顛蹶走榮利况余拙非巧鱸膾飯紫芒鵝脂酒
清醪鷺脂紫芒皆稻名悵然懷友生虛齋為誰

掃

縣齋懷京師

東南古縣介江臯西北神州倚斗杓安得葉君
傳祕術時飛雙鷁詣臺朝

李衡 衡字彥平自江都徙崑山紹興間
進士累遷監察御史以直言出知婺州召
直秘閣上書引年除祕閣倅撰屏居圓明
別墅倡明理學絕欲清終年七十九終

慧聚寺作二首

畫日用登陟跣趺聊對床巖空炫層碧少細函
幽香弔古漫秋思開尊已月光隨身有竿竹作

戲且逢場

天面無纖霽平川灝氣吞措節臨閣道拂石憇
雲根柳映山前路烟搖水北村醉歸風滿袖斜
月在蓬門

● 題樂菴柳影圖

三月江南花滿枝風輕簾幙燕爭飛遊人休息
夜秉燭楊柳陰濃春欲歸

● 樂菴初成二首

老子平生百不足菴成那平管食無肉終朝閉
戶只讀書四面開窓都見竹

投老菴居百事宜蚤眠晏起不論時更長睡足

披衣坐傾耳林間兩畫眉

范成大 成大字至能性穎異為文瞻麗

清逸尤工詩年十二編讀經史父亡讀書

崑山薦福寺十年不出登紹興進士累遷

吏部郎知處州多惠政隆興中假大學士

克金祈請國信使進書慷慨忠勁竦動金

主成大立朝多大節累官資政殿學士封

吳國公謚文穆所著擊轡錄虞衡志吳船

錄吳郡志

夜發崑山

歲寒人墜戶霜重獨登舟弱櫓搖孤夢孤蓬蓋

百憂但吟今不樂寧計幾宜休慚愧沙湖月年
年照薄遊

元日

節物陰泠裏人情冷澹中百憂尋老大一笑屬
兒童雪意愁飢雀風聲入斷鴻新衣滿閣巷終
日自西東

東禪廊夜二絕

淡雲如水霧如塵殘雪和霜凍瓦鱗織女無言
千古恨素娥有意十分春
一聲黃鵠夜深歸棲雀驚鳴觸殿扉北斗半垂
樓閣外風幡直欲上雲飛

夜步東寺之西

人家簾幙夜香飄燈火蕭疎照市橋滿院月明
春意好小樓吹笛近元宵

雪次韻項丈

兜羅世界三千刹重壁樓臺十二城雲暗峨眉
封古色日曛鳩鵲漏春聲莫將蕉葉評摩詰且
撚梅花慰廣平更憶緱山可憐夜怯寒誰與伴
調笙

挽察院王公

諱葆

喻蜀三年成還吳萬里船雲歸雙節後雪白短
檠前百世春秋傳一丘陽羨田浮生如此了何

必更凌烟

日者悲離索公乎又杳冥門人辨韓集子舍得
韋經此去念築室空來聞過庭路遙人不見千
古泣松銘

王安石 安石臨川人皇祐中以舒倅相
水至崑山深夜秉燭入翠微和郊祐韻後
為相建青苗法引用堯邪紛更百度妨賢
病國雖有文詞不足稱也姑存此二詩

上方和東野承吉韻

僧蹊蟠青蒼莓苔上秋牀露寒飢更清風蕩遠
亦香掃石出古色洗松納空光久遊不忍還迫

述冠蓋場

峰嶺互出沒江湖相吐吞園林浮海角臺殿擁
山根百里見魚艇萬家歲水村地偏來客少幽
興祇柴門

龔宗元 宗元字會之崑山人為宣教郎
自幼穎異讀書虎丘寺晝夜不輟繼登進
士文正范公語之曰君器業清候他時必
為令器慎勿因人以進為建安尉改大理
寺丞知句容縣發摘奸伏如神明使者行
部不涉其境曰有龔君在吾往徒擾耳自
登朝未嘗遊公鄉之門循范公教也有文

集十卷

夜宴作

兔魄侵階夜三刻蜀錦堆香花院窄風動簾旌
玳瑁寒露垂虫網珍珠白美人正席羅絃管綺
幄雲屏爐麝煖只恐金壺漏水空不怕鸞觴琥
珀滿勸君莫負秉燭遊曾見古人傷晝短

搗砧詞

星游耿耿寒烟浮白虹銜月臨霜樓誰家砧弄
細腰杵一聲搗破江城秋雙桐飄飄隨金井高
低冷逐西風緊靜如秋籟暗穿雲天半驚鴻斷
斜影哀音散落愁人耳何處離情
喚起長信
宮中葉滿階洞庭湖上波平水萬里征夫眠未
成搖風弄月何丁丁楚關秦嶺有歸客一枕夜
長無限情

龔况

况字濬之明之季父崇寧五年進

士入館八年學術文章皆不在人下與葉
石林為文字交時知名士有蘇元老者齊
名號龔蘇仕終祠部員外郎

古樂府

妖嬈破瓜女爭上秋千架香飄石榴裙影落薔
薇下墻外見鴛央雙雙春水塘歸來情脉脉無
緒理殘粧

楊則之 則之字彞老崑山人

早梅

素萼初含雪孤標畫本難香中別有韻清極不
知寒橫笛和愁聽斜枝倚病看朔風如解意容
易莫吹殘

龔明之 明之字熙仲祖母李病且革明
之禱于天乞減五齡以益李壽灼頂聞腦
中有爆裂聲不為動李病尋愈竟五年卒
明之以特恩廷試授高州文學年老敕監
潭州衡嶽致仕超授宣教郎李衡德望絕
人獨兄事之所著有中吳紀聞

芝華亭 在上方今燬

誰道休祥繫上穹民心元自與天通政平訟理
為真瑞何必金芝產梵宮

樓鑰 鑰奉化人宋隆興進士抗疏論韓
侂胄遂投劾去後為參知政事謚宣獻

送衛狀元著作提舉淮東二首

漢廷早已冠群仙濶步瀛洲最少年切嘆豈惟
年叵及人門才業總翹然

通泰牢盆巨海濱官家專欲用儒臣淮南艸木
生顏色又見龍頭第一人

衛涇 涇字清叔崑山石浦人宋孝宗朝

舉進士第一其德行勲業見俊撰東吳名賢記

、過澱山湖

踈星殘月尚朦朧
閑入烟波一棹風
始覺舟移楊柳岫
直疑身到水晶宮
烏雅天際墨千點
白鷺灘頭玉一叢
欵乃一聲回首處
青山渾在有无中

孫覲

覲字仲益晉陵人建炎初知平江府召赴行在改龍圖閣直學士

崑山道中

歸鳥破烟沒飛泉隔隴分
松門挾踈雨樵逕踏行雲
獨往隨漫興高談遺世紛
悠然一杯酒可以傲人群

沈東

東字元叙崑山人

、題滄浪亭

滄浪亭蘇易簡所居

草萼花枝與世新
登臨空復想清塵
祇今惟有亭前水
曾識春風載酒人

胡嶧

嶧字仲達通直稷言之子文行皆能繼其父建炎初任安遠尉非其好也家有五柳園號如村有如村藁

、遊慧聚寺

政欲相携紫翠間
不堪風雨徑催還
何時更上

月華閣細認真山是假山

胡清 清崑山人

壓雲軒

誰構危亭壓翠微
畫檐直與暮雲齊
有時一片巖阿起
帶與老僧山下歸

蓋嶼 嶼銅臺人宋政和中邑令

讀冲邈翠微集

聖宋吟哦祇九僧
詩成往往比陽春
翠微閣上今朝見
格老辭清又一人

冲邈 邈翠微僧詩閑澹孤遠取之

翠微山居詩八首

幼入空門絕是非
老來學道轉精微
鉢中貧富千家飯
身上寒暄一衲衣

一池荷葉衣無盡
數樹松花食有餘
却被世人知去處
更移茅舍作深居

高人遠望石峻峻
疊嶂迴峦數十層
時人只識雲生處
不識松蘿岩下僧

辭君莫怪歸山早
為憶松蘿對月宮
臺殿不將金鎖閉
來時自有白雲封

茅簷靜對千山月
竹戶閑棲一片雲
莫送往來名利客
塔前踏破綠苔紋

踏石穿山一老僧
白雲為伴水為朋
通宵只在

洞中宿月上青山便是灯

僧家無事最幽閑近對青松遠對山詩句不曾
題落葉恐隨流水到人間

爐中無火已多時早起惟將一衲披莫怪山僧
常冷淡夜深無處拾松枝

元

虞集

集字伯生忠肅允文之後弘才博

物元時累遷奎章閣學士有道園學古錄

謚文靖

小蓬萊四首

顧仲瑛樓名

步虛長松下流響白雲間華星列燿火明月懸

珮環肅然降靈氣穆若愉妙顏竹宮愴清夜望
拜久乃還

朱光出東海高臺迤赤曦六龍獻陽燧九鳳保
金支鍊丹軒轅鼎濯景崑崙池拜賜水玉佩玄
洲共遨嬉

乂首望太霞離羅間層霄網緼結冲氣要眇出
空謠前叅千景精後引務猷攝衣上白鶴招
搖事晨朝

學仙淮南王問道劉更生三年鍊神丹九載凌
上清日月作環珮雲霓為旂旌回首召司命靈
雨洒蓬瀛

皇明

龔詡 詡字大章崑山人父登洪武初為給事中謫死詡年十七為金川門守卒建文未靖難兵入金川門詡大哭後還鄉隱居讀書宣德中周忱巡撫兩薦為崑山太倉學官辭不就曰詡仕無害於義恐負徃日城門一慟耳竟隱終身年八十餘卒門人私謚為安節先生

與故人王忠孟飲春風亭

山水千重復萬重少年相別老相逢春風亭下一杯酒山色不如人意濃

同友宿新塘阻雨

一帆同載孝廉船夜泊新塘聽雨眠為問故園桑梓念不知清淚墮腮邊

夜歸自東婁

水流清淺月黃昏行盡南村轉北村夜半到家人睡熟多情深念犬迎門

王禕 禕字子克義烏人幼奇敏洪武初

為提舉司校理遷起居注修元史為總裁官擢編候使雲南為梁王把都所殺謚忠

文

玉山嘉處

玉山何岩堯亭館發佳氣雨過井上梧風生石
邊桂芳尊侑嬌歌謔笑雜清議論交不須深對
酒且成醉情諧畧細儀理會忘外累孤蹤苦無
常良集詎云易未知今日懽明日復何地

陳基 基字敬初臨海人元末避地至吳
叅張士誠軍謀事士誠欲自王基諫止之
及士誠就俘基從入金陵獲宥免預侯元
史而還

玉山草堂

隱君家住玉山阿新製茅堂接薜蘿翡翠飛來
春雨歇麝香眠處落花多竹枝已聽巴人調桂

樹仍聞楚客歌明日扁舟入城府不堪離思隔
滄波

秋懷寄仲瑛

江上秋陰十日多思君不見奈愁何風高澤國
來鴻雁雨入汀洲落芰荷公子文章裁瑞錦佳
人衣袖剪輕羅畫船亦欲溪頭去聽唱花間緩
緩歌

高啓 啓字季迪長洲人隱吳淞江青丘

洪武初薦與修元史授編修擢戶部侍郎
啓以年少辭因賜金放還與郡守魏觀相
知會觀得罪連坐死啓詩文精采煥發號

王季詩集卷一
稱名家有在鳴鳧藻集姑蘇雜咏

上方

鳴鍾警迷方枯僧兀趺牀石姿生寒稜松子落
古香殿鎖山雨氣樓迎海曙光遙望蒼蒼城愁
見車馬場

慧聚寺

烟歛城初出潮來野欲吞危樵緣磴角倦袖憇
松根塔表藏林寺鍾聞隔岼村畫龍飛去久空
掩殿堂門

秋夜同周著作宿婁浦

小解寒依竹浦雲酒闌相對說離群一聲新雁
誰先聽今夜江南我共君

綽墩

淳于曾解救齊城優孟還能念楚卿嗟爾只教
天子笑不言憂在祿兒兵

題林居圖兼簡盧公武

竹梧翳苔石疑是幽人居林間鳥鳴後亭空賓
散餘聞有盧鴻愛長年留著書

送張羽後夜坐西齋

閑齋聽鐘坐憂緒悵多端鳴雁雨中急離人江
上寒秋燈下木葉夜艇隔風湍別後情蕭索方
知舊會懽

五華詩集卷一
答陳則見寄

何由慰遠思，獨詠寄來詩。
行路方難日，清秋欲盡時。
江多驚雁火，樹少宿烏枝。
早晚如相見，應憐有鬢絲。

送高明府之崑山

茂苑行春罷，携琴又向東。
潮聲數里外，山色半城中。
帆帶桃花雨，衣翻柳葉風。
島夷聞善政，會有舫船通。

亂後經婁江舊館

此地昔曾依，重來事已非。
新年芳少遍，舊里熟人稀。
遠燕皆巢樹，閑花自擁扉。
遺踪竟難覓，愁

步夕陽歸

春日懷十友詩

余司馬堯臣

列戟衛嚴闕，應無休沐暇。
群英罷追遊，餘香掩空樹。
飛花北郭晚，華月南園夜。
清景不能同，蹉跎恐年謝。

張校理羽

端居養恬素，獨詠聖人篇。
夕景臨池酌，春寒掩閣眠。
芳藥初翻雨，新篠稍披烟。
累日虧幽訪，慙余塵務牽。

楊署令基

詞苑擅高步早歲許追隨屢枉瑤華句長依瓊
樹姿齋居積冲抱園賞過芳時暫缺今朝會勞
人耿耿思

王隱君行

共此一里居誰令阻良覲惆悵步芳園山櫻還
獨摘風含駐花意雨散流池跡尊酒不來同茲
晨端可惜

呂道士敏

同謂在塵境獨能依道門園齋坐永日庭綠靄
初繁觀妙夙有契怡靜自無煩晨策思頻往聆
君超世言

宋軍咨克

看花西澗寺憶子昔同行蘭入華觴氣波汎綠
琴聲茲懽隨節逝離恨坐相嬰安得重聯騎射
雉出東城

徐記室賁

晨興理櫛罷禽聲悅清旭雨餘嘉樹新色映春
塘綠閱景感幽悰步陰思往躅携手此逍遙須
君慰心曲

陳孝廉則

徂春易為感復此棲孤寂鶯啼遠林雨悵望鄉
園隔客舍換衣晨僧齋聽鐘夕知君思正紛雜

英共如積

僧道衍

楞伽曾往問緣澗
冒嵐深殘雪寒山
暮幽扉閉竹林欲
寄棲禪跡尚違捐
俗心別後空遙念
迨迨雙樹陰

王徵士彞

遠客嘆留滯對雨
卧閑房江上歸阻
靡蕪春自芳微痾
偶見侵勝賞坐成
妨斯章亦何取持
儼釋離腸

渡吳淞江

稍離城郭喧遠適
滄洲起乘潮動旅
榜霧散寒

江曙蒼蕪靡靡出
白鳥翻翻去不識
隱人村舟中望高
樹遭時嘆有棘拯
物慚無具不向此
鄉居飄零復何處

詠雨酬張進士羽見寄

珠碎復絲輕飈迴
乍拂楹望中來曉
峽愁裏度秋城莎
濕蛩應冷荷響鷺
還驚聽絃知瑟潤
卧簟覺幃清一覽
停雲句離抱轉難
平

和張羽懷吳興舊遊之作效其體

城貫綠川長朱閣
映飛梁鶯嬌山唱
度蓮艷水嬉張花
童搦翠管桑婦挈
銀筐若溪酒脂碧
顧渚茗旗香擇勝
事未厭驚亂意俄
傷回看舊遊

地秋少變淒涼

、宴顧使君東亭隔簾觀竹下舞妓

美人竹下舞醉者隔簾櫳彷彿瑤臺子遊戲綠
雲中玉鉤正蕩月羅袖忽驚風莫逐青鸞去尊
前樂未終

、初入京寓天界寺西閣對辛夷花懷徐七記

室

去年寺裏開辛夷君來憶我曾題詩今年我來
君已去思君還對花開時欲尋花下君行跡日
暮空庭古苔碧殷勤把酒問花枝看過春風幾
行客

、冬至夜喜逢徐七

君來同客館把酒夜相看動是經年別能辭盡
夕懽雪明窓促曙陽復座銷寒世路今如此懸
知後會難

、送陳則

挾策去誰親侯門不禮賓愁邊長夜兩夢裏少
年春樹引離鄉路花驕失意人一杯歌短調相
送欲沾巾

、次韻楊署令雨中卧疾

雙桐分蔭曉池清乍喜新晴覺病輕蛛曳臨風
吹欲斷鷺經沙雨洗還明吟多稍怯臨窓寫卧

久渾忘出市行不道春歸踰一月起聞歌鳥尚
疑鶯

期徐七遊雲岩

憶與青山別幾時雲松應恨鶴歸遲少知學道
貧非病閑愛談禪偈是詩女浣曉江烟淼淼人
行暮苑麥離離明朝風雨還同往恐負高僧石
上期

寄題張著作菁山隱居

霞映青山似赤城歸栖聞已謝時名半湖殘雨
收虹影幾樹斜陽帶鳥聲竹下逢僧投杖揖蘿
間候客抱琴行平生應笑王夷甫末路方言少
宦情

姚申之 申之字崧卿崑山人隆興元年
進士有詩名

寓居全吳江上

一雨通宵剪韭畦波稜生甲晚菘齊朝來赤脚
語言好醒酒杯羹有宿蘂

水雲千頃亭

雲影翻隨宿雁迴斜曛猶帶晚潮來小橋低處
通船過一隊鵝兒兩道開

徐賁 賁字幼文吳郡人工詩尤善繪山

水張士誠強起之不就去隱吳興之蜀山
洪武間薦授給事中累遷河南布政時大

軍征洮岷以賁犒勞不時下殺死有北郭
集

晚行南境懷陳文度

離思滿蒼烟行行只自憐吟成流水次望斷遠
鷗邊葉戀經寒樹星催欲夜天懷君無數里渾
似隔山川

舟行岷山懷陳惟寅山人

粼粼渡斜渚宛宛漾晴川日入風逾駛舉棹屢
迴公荇花折還歛漪文斷更聯畔人歸負耒漁
卽行扣舷烟密各闕態霞嶂獨逞妍睇近固流
迅矚遠迺遲延羈懷欣暫息離思悵仍緣安得

偕吟侶睹爾瑤華篇

岷山道中

鴻雁天寒傳侶稀秋風送客獨思歸碧山盡處
雲相續白水明邊鷺自飛漠漠蘆花迷望眼蕭
蕭荷葉慘征衣此行賴共知心話一棹夷猶竟
落暉

張雨 雨字伯雨服道茅山號句曲外史

工詩倪瓚顧輝輩咸與為方外交

來鶴亭

華表歸來舊令威曉風將夢上天飛緱山借與
浮丘伯一曲瑤笙月下歸

草堂孤鶴駐樊籠忽有鸞笙下碧空待喚羽衣
相向舞呂家園裏看春風

倪瓚 瓚字元鎮號雲林生無錫人性好
潔所居有清祕閣鴻儒名彥則許登臨俗
丁自不能入也能詩善畫平林遠岫雅有
奇致圖中不着一人意有寓也元末兵亂
悉散家財於所厚汎舟五湖三泖間人望
之若神仙也

靜寄軒

靜寄軒中無垢氛研苔滋墨氣如雲匣藏數鈕
秦朝印白玉蟠螭小篆文

獨行應如魯獨居心同柳下執云迂從教隣上
衣露濕試問高人安穩無
身似梅花樹下僧茶烟輕颺鬢鬢神清又似
孤山鶴瘦骨伶仃絕愛憎

寄顧仲瑛

江海秋風日夜涼虫鳴絡緯尚練裳民生惴惴
瘡痍甚旅汎依依道路長哀柳半欹湖水碧濁
醪猶趁菊花黃知君習靜觀諸妄松下清齋理
藥囊

鄭元祐 元祐字明德遂昌人僦居吳市
詩清麗暢逸為一時之雋

滄瀆壘 晉虞潭所築臨吳淞江

東吳內史晉長城滄瀆千年壁壘平莫向月明
悲往事即今滄海已塵生

次韻謝仲瑛

扁舟不亂白鷗群又復移家入水雲載酒可無
人問字揮毫故有客書裙荒涼漢室銅盤淚剝
落周宣石鼓文猶賴顧循能慰藉江湖冷落見
番君

盧熊 熊字公武崑山人有學行精于六

書洪武初授中書舍人擢兗州知州政多

遺愛熊上言州印篆文訛舛忤旨獲罪所

著有說文字源章句鹿門隱書蘇州志兗

州志

端陽汎吳淞江

早發木蘭橈江行趁落潮雨分牛脊近雲隔馬
鞏遙弟妹成踈濶交朋竟寂寥漫持昌歎酒那
得客愁消

集仲瑛西郊草堂

西山帶郊居良辰奉嘉會江調采芳蓮天香抱
叢桂泠泠朱絃瑟珊珊文玉珮傳杯洽情素秉
燭映眉翠好樂諒無荒會合豈云易追想翠池
遊流月炫華轡

立夏日寄婁江諸友

昔別春草碧今見夏條陰蝶飛輕絮亂燕乳落花深懷人惜流景覽物傷我心晨遊念履迹夕夢感車音麟鳳徒在野干戈日交侵登高望不極憂亂思靡任褰裳涉水度因風裁越吟

荅李孟言見寄二首

君寓延陵邑我釣松江濶芝艾同顛顛秋氣一何深燕遊乖夙好寤寐展幽尋嘻嗟行路難壹鬱匡世心蚤夜宜葆愛德履慎所欽


夏園衆綠媚倦此暑氣煩故人念乖隔琴尊誰晤言清風六尺筌消搖卧幽軒何由展良覲夢

蝶空飛翻

寄殷孝章

書來聞卧病夢裏憶尋君京國看明月秦山歌白雲勘書蒐古迹收藥挹清芬眇眇江南思秋風雁一群

玉峰詩纂卷一終



程